

Papan tanda lokasi mengelirukan



Yew Fook (kiri) menunjukkan papan tanda lokasi yang didakwa mengelirukan pengguna.

PUCHONG - "Sini kawasan Puchong kenapa papan tanda didirikan sebagai Sri Serdang? Itu persoalan pengguna dan penduduk sekitar Puchong Gateway yang keliru dengan papan tanda lokasi didirikan bersebelahan Lebuhraya Damansara Puchong (LDP), di sini sejak lima hari lalu.

Setiausaha MCA Bahagian Puchong yang juga Ketua Pusat Khidmat MCA Kinrara, Liew Yew Fook berkata, menerima aduan itu beberapa hari lalu sebelum ke lokasi dinyatakan.

Menurutnya, dia hairan bagaimana pihak yang menentukan peletakan papan tanda boleh tersalah lokasi.

"Kalau ikutkan tempat itu adalah Puchong Gateway atau lebih dikenali sebagai Puchong Selatan, mengapa pihak itu dirikan papan mercu tanda sebagai Sri Serdang. Kalau tengok peta Sri Serdang terletak hambar dengan Universiti Putra Malaysia (UPM).

"Keadaan ini akan menyebabkan pengguna keliru sama ada mereka di Puchong atau Sri Serdang," katanya.

Beliau berkata, setelah pemerhatian dan tinjauan dibuat pihaknya mendapati terdapat enam papan mercu tanda lokasi ditempatkan di sekitar Puchong.

"Saya dah tengok di lain-

lain tempat papan tanda lokasi diletakkan dengan betul tapi yang ni salah. Kalau mereka letak ikut Dun mengundi kenapa tempat lain diletakkan sebagai Puchong bukan Sri Serdang," katanya perkara itu sudah dimaklumkan kepada pegawai Majlis Perbandaran Subang Jaya (MPSJ) untuk tindakan lanjut.

Katanya lagi, ahli majlis sepatutnya melakukan pemantauan supaya kesilapan seperti itu tidak terjadi.

"Saya minta papan tanda lokasi yang betul diletakkan di situ, jangan kelirukan orang ramai terutama yang pertama kali ke sini," katanya.